



Chavar si vias chantunalas - Premissas fundamentalas per impressaris

1. Introducziun

Cun ina disposiziun per projects da construcziun vi da vias chantunalas dat l'Uffizi da construcziun bassa dal Grischun al patrun da construcziun il dretg da far ina lavur vi da la via chantunala. En la disposiziun ed en ils documents appartegnents èn definidas disposiziuns executivas ch'èn impurtantas per mantegnair la valur da la via e che ston vegnir observadas correspudentamain.

Per exequir la lavur po il patrun da construcziun surdar incaricas ad impressaris. La responsabladad per exequir la lavur en moda adequata ha il patrun da construcziun. El stat bun envers l'Uffizi da construcziun bassa dal Grischun per eventuels donns vi da l'ovra.

2. Finamira

Suenter avair chavà si ina via chantunala, sto ella vegnir reconstruida tenor prescripziuns qualitativas. L'impressari che ha l'incarica da chavar si resp. da reconstruir la via, sto pudair ademplir tschertas premissas specificas fundamentalas tut tenor il gener da lavur. Cun manar la glista «Impressaris cun permissiun per chavar si vias chantunalas» ha l'Uffizi da construcziun bassa dal Grischun las suandantas finamiras:

- La glista gida il patrun da construcziun a tscherner in impressari.
- Tut ils impressaris da la glista adempleschan las premissas specificas fundamentalas per reconstruir l'ovra en la qualidad necessaria.
- Cun surdar l'incarica è l'impressari infurmà davart la disposiziun vertenta concernent la dumonda da construcziun sco er davart las pretensiuns da qualidad respectivas da l'Uffizi da construcziun bassa dal Grischun.

3. Premissas fundamentalas per chavar si vias chantunalas

Sco proprietari da l'ovra fixescha l'Uffizi da construcziun bassa dal Grischun las premissas fundamentalas, co che las lavurs da chavar si ina via chantunala ston vegnir exequidas. En quest connex ston vegnir ademplidas cundiziuns generalas e prescripziuns executivas relevantas. Las prescripziuns executivas relevantas vegnan divididas en trais geners da lavur:

- lavurs da terra
- lavurs da cuvrída a maun
- lavurs da cuvrída cun maschina

L'impressari fa ina dumonda per vegnir inscrit en la glista «Impressaris cun permissiun per chavar si vias chantunalas». Igl è pussaivel d'inoltrar ina dumonda mo per singuls geners da lavur.

La dumonda vegn examinada da l'Administraziun centrala da l'Uffizi da construcziun bassa dal Grischun. La dumonda sto vegnir inoltrada cun il formular «Dumonda da l'impressari per l'execuziun» e cun eventualas agiuntas tenor il chapitel 4. La dumonda sto vegnir tramessa per posta a l'Uffizi da construcziun bassa dal Grischun, Construcziun da cuvrídas, Loëstrasse 14, 7000 Cuira, u per e-mail a graben@tba.gr.ch. Cura che l'impressari è inscrit en la glista «Impressaris cun permissiun per chavar si vias chantunalas», ch'è publitgada sin la pagina d'internet, è el autorisà d'exequir las lavurs correspudentas en relaziun contractuala cun il patrun da construcziun.



Chavar si vias chantunalas - Premissas fundamentalas per impressaris

3.1. Cundiziuns generalas

L'impressari sto esser inscrit en il Register da commerzi. Il numer d'identificaziun da las interpresas (IDI) sto vegnir inditgà.

L'impressari sto s'infurmar cuntinuadamain davart las prescripziuns da qualitat vertentas da l'Uffizi da construcziun bassa dal Grischun. Questas prescripziuns èn publicgadas sin la pagina d'internet da l'Uffizi da construcziun bassa dal Grischun (UCB GR) (www.gr.ch/ucb/documentaziun) sut la rubrica «Planisaziun e realisaziun». Per chavar si vias chantunalas è relevant en emprima lingia il «Manual davart la cuvrida» → «Ausführung von Belagsarbeiten» (chapitel 5.4 Grabenauffüllung). Il pli tard cura che l'impressari exequescha las lavurs, conferma el ch'el saja s'infurmà davart las cundiziuns en la disposiziun sco er en ils documents respectivs.

3.2. Prescripziuns executivas relevantas

3.2.1. Segirezza stradala e segirezza a la piazza da lavur

La signalisaziun al plazzal cun barricadas ed illuminaziuns sco er l'equipament da protecziun da las lavureras e dals lavurers da construcziun ston correspunder a las normas vertentas da l'Associaziun svizra da las specialistas e dals specialists per vias e per il traffic (VSS), da l'Institut svizzer d'assicuranza d'accidents (SUVA) e da la Societad svizra dals inschigners ed architects (SIA).

Las «Disposiziuns particularas part 2» (DP2) agiunta 18 «Vereinbarungen Arbeitssicherheit» valan er per chavar si vias chantunalas. Las DP2 èn publicgadas sin la pagina d'internet dal UCB GR (www.gr.ch/ucb/BB2) sut la rubrica «Planisaziun e realisaziun».

Las cundiziuns davart il traffic ch'èn definidas en la disposiziun ston vegnir observadas strictamain. La signalisaziun e la marcaziun dal plazzal ston vegnir fatgas en enclegientscha cun la Polizia chantunala dal Grischun, Tecnica da traffic. Ils districts competents ston vegnir infurmads avant che las lavurs da construcziun cumenzan.

3.2.2. Referenzas

Sin dumonda da l'Uffizi da construcziun bassa dal Grischun ston vegnir inoltradas almain trais referenzas da vias chavadas si.

Sch'i n'existan naginas referenzas, sto vegnir fatga in'emprima examinaziun cun la persona responsabla per cuvridas da l'Uffizi da construcziun bassa dal Grischun.

3.2.3. Glista d'apparats e da maschinas

Tut tenor il gener da lavur ston vegnir duvrads apparats e maschinas per furnir la prestaziun. Sin dumonda dal UCB GR sto vegnir inoltrada posteriuramain ina glista dals apparats e da las maschinas duvradas. Per las activitads principalas dals singuls geners da lavur ston vegnir inditgads ils apparats e las maschinas duvradas:

Lavurs da terra (glista da las activitads principalas)

- chavar si stresas da cuvrida
- stgavar il foss en via (cun maschina)
- emplenir e densifitgar il material dal foss e da la stresa da fundament

Lavurs da cuvrida a maun (glista da las activitads principalas)

- tagliar suenter las chavas da la cuvrida
- emplenir e densifitgar las stresas da fundament resp. metter la stresa fina
- fresar la cuvrida
- metter e densifitgar la cuvrida tenor las normas



Chavar si vias chantunalas - Premissas fundamentalas per impressaris

Pagina 3/4

Lavurs da cuvrida cun maschina (glista da las activitads principalas)

- tagliar suentar las chavas da la cuvrida
- emplenir e densifitgar las stresas da fundament resp. metter la stresa fina
- fresar cuvrida
- metter e densifitgar la cuvrida tenor las normas

3.3. Subimpressari

I dastgan vegnir engaschads mo subimpressaris ch'èn admess per il gener da lavur correspondent.

4. Formular «Dumonda da l'impressari per l'execuziun»

La cumprova sto vegnir inoltrada cun il formular «Dumonda da l'impressari per l'execuziun» e cun eventualas agiuntas. Il document sto cuntegnair la suttascripziun giuridicain valaivla da l'impressari.

Las suandantas indicaziuns èn necessarias:

- gener(s) da lavur dumandà/-ads
- adressa da l'impressari, nr. da tel., adressa dad e-mail, persunas da contact
- IDI
- conferma da l'interpresa tenor ils chapitels 3.1, 3.2.1 e 3.3

Sin dumonda da l'Uffizi da construcziun bassa dal Grischun ston vegnir fatgas las suandantas indicaziuns supplementaras:

- almain trais referenzas equivalentas d'impressaris cun las persunas da contact tenor il chapitel 3.2.2
- glista dals apparats e da las maschinas per las activitads principalas dals genres da lavur respectivs tenor il chapitel 3.2.3

5. Proceder en cas da lavurs tras impressaris senza permissiun

Impressaris senza permissiun n'èn betg autorisads da chavar si vias chantunalas. Lavurs betg fatgas conform a l'urden ston vegnir disfatgas. L'Uffizi da construcziun bassa dal Grischun sa resalva d'introducir sche necessari mesiras giuridicas cunter il patrun da construcziun ed eventualmain cunter l'impressari.

6. Exclusiun da la glista

L'Uffizi da construcziun bassa dal Grischun è autorisà da tut temp da stritgar da la glista ils impressaris che n'adempleschan betg pli las premissas fundamentalas resp. che han exequì lavurs che na correspundan betg a las prescripziuns da qualidad (DP2, «Manual davart la cuvrida» → «Ausführung von Belagsarbeiten» [chapitel 5.4 Grabenauffüllung]).



Chavar si vias chantunalas - Premissas fundamentalas per impressaris

Pagina 4/4

7. Mutaziuns da l'inscripziun en la glista

Mutaziuns da l'inscripziun en la glista sto l'impressari communitgar a l'Uffizi da construcziun bassa dal Grischun. Quai pon esser:

- adressa da l'interpresa cun nr. da tel. ed adressa dad e-mail
- renunzia a l'inscripziun en la glista